



জাতিসংঘে ট্রাম্পের ভাষণের সময় ইরানি প্রতিনিধিদলের ওয়াকআউট



ডোনাল্ড ট্রাম্প। ছবি: সংগৃহীত

যুক্তরাষ্ট্রের প্রেসিডেন্ট ডোনাল্ড ট্রাম্পের জাতিসংঘের ভাষণে ইরানের বিরুদ্ধে মার্কিন সামরিক পদক্ষেপের প্রসঙ্গ উঠতেই অধিবেশন কক্ষ থেকে বেরিয়ে যান ইরানি প্রতিনিধিদলের সদস্যরা।

মঙ্গলবার (২২ সেপ্টেম্বর) নিউইয়র্কে জাতিসংঘ সাধারণ পরিষদের অধিবেশনে বিশ্বনেতাদের সামনে বক্তব্য দেন ট্রাম্প। ইরানের বিরুদ্ধে যুক্তরাষ্ট্রের সামরিক অভিযান ও পদক্ষেপের পক্ষে কথা বলার সময় ইরানি প্রতিনিধিদল অধিবেশন কক্ষ ত্যাগ করে। বিভিন্ন প্রতিবেদনে বলা হয়েছে, ট্রাম্পের বক্তব্যের প্রতিবাদেই তারা ওয়াকআউট করেন।

ইরানের বিরুদ্ধে মার্কিন পদক্ষেপের পক্ষে অবস্থান তুলে ধরে ট্রাম্প বলেন, কোনো হুমকি যেন আরও বড় আকার নিতে না পারে এবং অমীমাংসিত সমস্যাগুলো সময়ের সঙ্গে আরও জটিল হয়ে না ওঠে, সে বিষয়ে সতর্ক থাকা প্রয়োজন।

মার্কিন প্রেসিডেন্ট বলেন, ‘ইতিহাসের সবচেয়ে অসাধারণ দেশের প্রেসিডেন্ট হিসেবে আমি বিপদকে আরও একদিন বাড়তে দেওয়ার কোনো আগ্রহ রাখি না।’

তিনি আরও বলেন, ‘সমস্যাগুলো এমনভাবে জিইয়ে রাখতে আমি বিশ্বাস করি না, যাতে সেগুলো পরে সমাধান করা আরও কঠিন হয়ে যায়।’

ট্রাম্পের বক্তব্যে ইরানের বিরুদ্ধে সামরিক পদক্ষেপের প্রসঙ্গ আসার পরই ইরানি প্রতিনিধিদের অধিবেশন কক্ষ ছাড়ার ঘটনা ঘটে। এর মধ্য দিয়ে জাতিসংঘের সাধারণ পরিষদের অধিবেশনে যুক্তরাষ্ট্র ও ইরানের মধ্যকার চলমান উত্তেজনাও স্পষ্ট হয়ে ওঠে।

বিশ্বনেতাদের সামনে দেওয়া বক্তব্যে ট্রাম্প ভবিষ্যতের সম্ভাব্য হুমকি ও সংকট বড় হওয়ার আগেই তা মোকাবিলায় পক্ষে নিজের অবস্থান তুলে ধরেন। আর তার বক্তব্যের সময় ইরানি প্রতিনিধিদলের ওয়াকআউট দুই দেশের চলমান বিরোধের বিষয়টি সামনে নিয়ে আসে।